

"Nee, as jy bid, gaan
na jou kamer toe,
maak die deur toe en
bid tot jou Vader wat
jy nie kan sien nie.
Jou Vader wat sien
wat verborge is, sal
jou beloon."
(Matteus 6:6)

FOKUS OP DIE LYDENDEN KERK

DIE GEHEIME KRAG VAN GEBED (DEEL DRIE)



24-7 HERLEWING VIR GEBED

24-30 NOVEMBER 2025

Wanneer vervolging kansels stilmaak, word gebed die hardste stem. In die onsigbare plekke van lyding hef gelowiges gebede op wat nasies skud. Agter geslote deure, in tronkselle en in verborge byeenkomste word God se krag in die geheim gebore.

In die derde deel van 'n reeks van drie, 'Fokus op die Lydende Kerk', bid ons vir ons harte om te verenig met die Lydende Kerk, diegene wat bid waar dit alles kos. Mag hul geloof ons s'n wakker maak om die verborge krag, intimiteit en gesag wat in die geheime lewe van gebed gevind word, te herontdek.

MAANDAG 24 NOVEMBER 2025

DIE GEHEIME PLEK

Hy wat by die Allerhoogste skuiling vind en die beskerming van die Almagtige geniet. (Psalm 91:1).

Selfs te midde van vervolging bly die geheime plek die toevlug van die gelowiges. Die krag daarvan lê nie in mure nie, maar in die nabyheid aan God. Die Vervolgdes vind krag in verborge aanbidding, waar Sy teenwoordigheid hul vesting word, vrees buig voor Sy vrede en moed opstaan uit die as van lyding.

Kom ons bid

- Vra die Here om die Lydende Kerk wat Hom in geheime skuilplekke soek, te versterk (Psalm 27:5).
- Bid dat elke gebed wat in vrees gefluister word, met Sy oorweldigende vrede begroet sal word (Johannes 14:27).
- Vra vir goddelike openbaring en strategie om uit die skuilplek te vloei (Daniël 2:22).

DINSDAG 25 NOVEMBER 2025

HY HOOR ONS

...omdat Hy ons gebede verhoor as ons enigiets volgens sy wil vra... (1 Johannes 5:14-15).

Vervolgers mag stemme stilmaak, maar hulle kan nooit gebed stilmaak nie. Uit tronkselle, dorre woestyne en verborge skuilings, styg gebede soos wierook voor Sy troon op. Alhoewel dit nie deur die wêreld gesien word nie, strook hulle met God se ewige doel en stel goddelike gesag vry wat geen ketting, regering of mag op aarde kan beperk nie.

Kom ons bid

- Vra die Here om lydende gelowiges daaraan te herinner dat die Here hulle verborge gebede hoor (Psalm 34:18).
- Bid dat hulle nie sal vrees nie en die moed sal hê om volgens Sy wil te bid (Jakobus 4:3).
- Vra dat onsigbare gebed 'n sigbare deurbraak in die nasies sal bring (Matteus 17:20).

WOENSDAG 26 NOVEMBER 2025

STAAN IN DIE GAPING

Ek het iemand tussen hulle gesoek wat 'n muur sou bou en vir die stad in die bres sou tree dat dit nie vernietig word nie... (Esegiël 22:30).

God rig die Lydende Kerk op as 'n skild van barmhartigheid oor die nasies. Elke gefluisterde gebed word 'n onsigbare muur van verdediging wat nasies voorberei vir die vuur van herlewing.

Kom ons bid

- Vra die Here om moeë voorbidders in Vervolgde streke te versterk (Galasiërs 6:9).
- Bid dat verborge gebedswagte vas sal staan as bewakers van herlewing (Jesaja 62:6-7).
- Vra dat hulle gebede mure van barmhartigheid sal vorm oor nasies in onrus (Klaagliedere 2:18-19).

DONDERDAG 27 NOVEMBER 2025

VERBORGE TRANE

My ellende het nie ongemerk by U verbygegaan nie, U het op my trane gelet. In u boek staan hulle opgeteken. (Psalm 56:9).

In God se hande word hartseer 'n wapen van barmhartigheid en verander pyn in 'n doel. Die trane van die Lydende Kerk gee die hart van die nasies water en produseer deernis, bekering en herlewing. Hulle pyn word gebed; hul wonde, altare; hulle trane, riviere van lewe wat van die kruis na droë lande vloei.

Kom ons bid

- Vra die Here om die trane van Sy mense te onthou en verlossing te weeg te bring (Psalm 126:5-6).
- Bid vir vreugde in plaas van droefheid soos Sy beloftes ontvou (Jesaja 61:3).
- Vra dat die trane van die Vervolgdes nuwe gelowiges en bewegings tot gevolg sal hê (Jeremia 31:16-17).

VRYDAG 28 NOVEMBER 2025

KNIELEND IN VERBORGE HOEKE

Wat julle ook al doen, doen dit van harte soos vir die Here en nie vir mense nie... (Kolossense 3:23-24).

Wanneer die wêreld hulle verwerp, hou die Lydende Kerk aan bid. Hulle toewyding word nie deur mense gesien nie, maar in die hemel geëer. God let op diegene wat in verborge hoeke kniel en gehoorsaamheid bo erkenning kies. Hulle geloof openbaar die suiwerste soort aanbidding, gebed wat slegs deur liefde vir die Vader gemotiveer word.

Kom ons bid

- Vra die Here om motiewe in gebed te reinig en harte in nederigheid te anker (Matteus 6:1-4).
- Bid dat gelowiges sal volhard in gebed terwyl hulle ongesiens bid (Miga 6:8).
- Vra dat die vrug van verborge gehoorsaamheid as herlewing en transformasie sal manifesteer (1 Samuel 2:30).

SATERDAG 29 NOVEMBER 2025

GEBEDE VAN DIE VERVOLGDES

Die gebed van 'n gelowige het 'n kragtige uitwerking. (Jakobus 5:16b).

Die gebede van die Lydende Kerk mag vir die wêreld verborge wees, maar hulle voorbidding skud geestelike vestings. Elke gefluisterde "Jesus" dra die gewig van die ewigheid. Hierdie verborge krygers, onbekend op aarde, maar tog beroemd in die hemel, stel die krag van God vry wat geen onderdrukking kan keer nie.

Kom ons bid

- Vra die Here om die Lydende Kerk te vul met volharding en heilige vuur (Romeine 12:11-12).
- Bid dat hulle geloof geestelike vestings oor nasies sal breek (2 Korintiërs 10:4-5).
- Vra die Here om die verborge gebedsbewegings wat oor die aarde opgerig word, te vermenigvuldig (Habakuk 2:14).

SONDAG 30 NOVEMBER 2025

BELONING VAN DIE GEHEIME PLEK

"Jou Vader wat sien wat verborge is, sal jou beloon." (Matteus 6:6b).

Die Vervolgdes mag alle aardse eer verloor, maar hulle verkry die hemel se beloning, die nabyheid van God self. Elke geheime gebed, elke daad van getrouheid word 'n ewige skat. Die onsigbare lewe van gebed word nie vermors nie; dit is die geboorteplek van herlewing, waar God se wil op die aarde vrygestel word.

Kom ons bid

- Vra die Here om verborge gelowiges met Sy duidelike teenwoordigheid te besoek (Hebreërs 6:10).
- Bid dat hulle geheime gebede sigbare transformasie in nasies sal bring (Johannes 15:7-8).
- Vra vir die vreugde van ewige beloning om elke lydende gelowige te onderhou (Filippense 3:8-9).